

70.73
31.04
1-6

興平縣志

果齋思渾
題簽

興平之地爲西漢置縣之始者曰槐里縣孝武帝又於槐里之茂鄉起陵置縣曰茂陵縣孝昭帝亦起陵於槐里曰平陵置平陵縣或謂在今之咸陽然據杜佑通典曰廢邱漢高帝改名槐里武帝割置茂陵縣有武帝茂陵昭帝又割其地置平陵縣有昭帝平陵此說顯然可據魏文帝改平陵縣爲始平縣唐改始平縣爲興平縣今沿其名此歷代地理之沿革如此置縣旣多鄉賢燦著又漢時每徙它郡豪桀訾財大戶呂實其地故茂陵平陵二縣僑寓之人亦最衆多詳采正史臚列可觀並匪出於假借傳會者也舊志最先之本不傳今所傳惟乾隆元年所纂之本閱今四十餘年版片瀾漶一切建置多有不同官師科名亦有未詳余故令重爲采輯成書二十五卷較舊志殊稱美備邑令顧君聲雷頗有循聲亦踴躍樂成此書焉今恭遇

興平縣志序

右文盛世一切遺文佚獻多入四庫編摩此雖方州小志亦和鳴其盛有如此者亦曰徵休養生息民物繁庶有如此之超軼前古者故爲之序

賜進士及第兵部侍郎巡撫陝西都察院右副都御史鎮洋畢沅序

目錄

卷一

地理

卷二

賦役



後序

乾隆四十二年承

大中丞畢公之命重纂興平志時

聲雷

同里舍人張君方居憂

去京師曰此書相屬明年舍人來關中抽毫授詞一二鈔胥腕不暇給一年書成次第爲二十五卷曰地理曰賦役曰建設曰職官曰選舉曰舊跡曰陵墓曰金石曰世系曰寶氏傳曰馬氏傳曰班氏傳曰列傳曰循吏文學貨殖逸人方外傳曰擬傳曰僑人傳曰后妃列女傳曰列女擬傳曰諂佞奄人傳曰圖內中金石世系志之勅例公道毀譽諸傳見之美哉備焉彬璘可觀聲雷迺急爲開雕曰廣流傳蓋郡縣之志周官掌之小史昉序史者也所曰傳信也地有沿革今古異名興平在兩漢爲槐里爲茂陵此人知之者其爲平陵則明昧參半故有曰爲在咸陽

興平縣志後序

者矣然臣瓚言茂陵在長安西北八十里平陵在長安西北七十里本相毗連而杜佑通典直云武帝割槐里置茂陵縣昭帝又割置平陵縣此匪顯顯然可証者庫亦不謂興平一隅便括虜漢三縣之地而緣平陵改始平始平改興平興平與咸陽接壤犬牙相錯例曰宗子庶子之義則平陵之隸興平者爲宗子隸咸陽者爲庶子也況杜氏之言足爲左券虜漢置陵縣必徙居豪桀訾財之戶故南裔繁衍名彥衆多甄采汗簡不容佚漏此匪爲一縣之榮也所曰傳信也同時舍人並重纂扶風志聲雷暇時借得扶風舊志觀之則有異焉扶風有茂陵山舊志便曰茂陵縣當之謂有茂陵遺址孝武不曾遷葬高高一十四丈之家何可移寘一百數十里之外此可異者一今扶風縣漢美陽地三輔右扶風之一縣凡班氏范氏書中所謂扶風者當

日並無此縣只是右扶風省去右字舉一郡而言扶風舊志便一一采拾謂是今之扶風故實此可異者二采拾扶風字之不已因而班范書中之傳所謂扶風茂陵人扶風平陵人扶風安陵人者亦孰視無覩俱納之今扶風一縣之中於是一郡之先哲屬作部民漢帝之遺陵汎無定著此可異者三舍人擬撰古扶風士女記一卷正之彼中人士恐奪其鄉賢祖宗舍人不得已始仍舊志傳記一卷而別撰唐呂後扶風傳記呂別之舍人語而謂曰扶風舊志妄人作備於前膠固難返有至於斯亦無足重輕然與興平地理沿革有相錯雜不容不辨者予爲我長言申明之齊雷 麤詣圖經亦服舍人之婣雅案牘餘閒繙書相對有並爲發明者故書此爲興平志後序舍人名塤吳縣人進士出身知興平縣事元和顧聲雷撰

建設

卷四

職官

卷五

選舉

卷六

舊蹟

卷七

陵墓

卷八

金石

卷九

世系

卷十

實氏傳弟一

卷十一

馬氏傳弟二

卷十二

班氏傳弟三

卷十三

列傳弟四

卷十四

列傳弟五

卷十五

人與平... 卷十一

列傳第六

卷十六

列傳第七

卷十七

循吏文學貨殖逸人方外傳第八

卷十八

擬傳第九

卷十九

僑人傳第十之上

卷二十

僑人傳第十之中

卷二十一

僑人傳第十之下

卷二十二

后妃列女傳第十一

卷二十三

列女擬傳第十二

卷二十四

諂佞奄人傳第十三

卷二十五

圖附

縣之沿革

山水

土產

縣之沿革

今興平縣隸陝西西安府

一統志西安府興平縣在府西一百里東西距七十里南北距六十里東至咸陽縣界二十五里西至乾州武功縣界四十五里南至盩厔縣界二十五里北至醴泉縣界三十五里東南至咸陽縣界三十里西南至武功縣界四十五里東北至咸陽縣界三十里西北至醴泉縣界四十里

舊志東西廣七十五里南北袤六十里東至咸陽縣界二十五里西至直隸乾州武功縣界五十里南至盩厔縣界四十里北至醴泉縣界二十里東南至鄠縣界三十里西南至盩厔縣界六十里東北至咸陽縣界四十里西北至醴泉縣界三十里自縣治東至省城一百里至京師二千五百里

興平縣志卷一

周曰犬邱

帝王世紀周懿王二年自鎬徙都犬邱

竹書紀年厲王十一年西戎入于犬邱

地理通釋秦紀非子居犬邱周孝王分土為附庸邑之秦莊公居其故西犬邱

案犬邱亦曰太邱此傳寫之譌

又曰槐里

大紀自王懿王也為政王室始衰徙都槐里

周懿王十五年王自宗周遷於槐里

地理通釋至懿王徙犬邱今京兆槐里是也
通鑑前編丁亥懿王元年徙都槐里

秦曰廢邱

韋昭曰卽周時犬邱懿王所都秦欲廢之更名廢邱
括地志犬邱故城一名廢邱在雍州始平縣東南十里

又曰舒邱

水經注秦呂爲廢邱亦曰舒邱

漢初因之曰廢邱置縣曰槐里

史記漢元年項羽立章邯爲雍王王咸陽呂西都廢邱 索
隱宋忠曰懿王自鎬徙都犬邱一曰廢邱今槐里是也

漢書高帝紀章邯爲雍王都廢邱

又漢王引兵從故道出襲雍雍王邯迎擊漢陳倉雍兵敗還

興平縣志卷一

二

走戰好時又大敗走廢邱漢王遂定雍地東如咸陽引兵圍

雍王廢邱

又引水灌廢邱廢邱降章邯自殺雍州定八十餘縣置河上

渭南中地隴西上郡 服虔曰河上卽左馮翊也渭南京兆

也中地右扶風也顏師古曰凡新置五郡

又周勃傳攻槐里好時最北擊趙賁內史保於咸陽最北救

漆擊章平姚卬軍西定汧還下郿頻陽圍章邯廢邱破之

又樊噲傳攻趙賁下郿槐里柳中咸陽灌廢邱最 李奇曰

呂水灌廢邱也晉灼曰京輔治華陰灌北也師古曰高紀言

引水灌廢邱李說是也或者云漢王自彭城敗還始灌廢邱

此時未也此說匪矣彭城還更灌廢邱始平定之無廢邱此

也當灌矣

又功臣表周廣漢槐里公乘

又地理志右扶風故秦內史高帝元年屬雍國二年更為中地郡九年罷復為內史武帝建元六年分為右內史太初元年更名主爵都尉為右扶風師古曰主爵都尉本秦之主爵中尉掌列侯至太初元年更名右扶風而治於內史右地故此志追書建元六年分為右內史又云更名主爵都尉為右扶風槐里周曰犬邱懿王都之秦更名廢邱高祖三年更名莽曰槐治

一統志按周勃傳云勃攻槐里好時最又圍章邯廢邱樊噲傳云噲擊章邯下槐里柳中咸陽摧廢邱是漢初有廢邱又有槐里其後置縣廼統謂之槐里耳隋志無槐里縣周書閔帝時槐里獻赤雀四蓋隋初廢也

曰茂陵

漢書武帝紀建元二年初置茂陵邑

又三年賜徙茂陵者戶錢二十萬田二頃

又元朔二年又徙郡國豪桀訾財三百萬以上於茂陵

又太始元年徙郡國吏民豪桀於茂陵雲陵

又功臣表陳壽茂陵公乘 陳儵茂陵上造 胡世茂陵公

上 蟲宣茂陵公乘 縉賜茂陵公大夫 郭賢茂陵公乘

審非茂陵公乘 楊孟嘗茂陵不更 陳主孺茂陵公乘

蟲宣茂陵公乘

又地理志茂陵武帝置戶六萬一千八十七口二十七萬七千二百七十七莽曰宣城

三輔黃圖茂陵本槐里之茂鄉

曰平陵

漢書宣帝紀本始元年春正月募郡國吏民訾百萬以上徙平陵

又二年春呂水衡錢爲平陵徙民起第宅

又功臣表蘇建平陵侯 范明友平陵侯 董誥平陵公乘

趙延世平陵上造

又地理志平陵昭帝置莽曰廣利

通典周曰犬邱秦曰廢邱項羽封章邯爲王都於此漢高帝

改名槐里武帝又割置茂陵縣有武帝茂陵昭帝又割其地

興平縣志卷一

四

置平陵縣有昭帝平陵

案余於興平陵冢內補收漢昭帝平陵人或疑在咸陽者得

杜佑之言而始釋然矣

後漢因之縣曰槐里曰平陵曰茂陵

後漢書章帝紀建初七年冬十月進幸槐里

又竇武傳封槐里侯

又皇甫嵩傳封槐里侯食槐里美陽兩縣合八千戶

又萬修傳封槐里侯

又郡國志右扶風秦屬內史武帝分改名決錄曰扶風化也

槐里周曰犬邱又名廢邱周懿王章邯所都高帝改平

陵茂陵

三國魏改平陵曰始平

元和郡國志漢平陵縣魏文帝改為始平晉武帝改始平國
太平寰宇記魏黃初元年改平陵為始平因原曰建名

案原即始平原西京雜記謂之北邙山三輔黃圖謂之北山
晉縣曰槐里曰始平

晉書地理志始平郡秦始三年置槐里始平

又姚興載記太元十九年僭即帝位於槐里大赦境內

又地理志元帝渡江所置州亦皆遙領初曰魏該為雍州刺

使領鄠城守省僑立始平郡寄居武當城其後秦雍流人多

南出樊沔李武始於襄陽僑立雍州仍立京兆始平扶風河

南廣平義成北河南七郡並屬襄陽

後魏因之縣曰始平曰槐里

魏書地形志扶風郡故秦內史漢高帝二年更名為中地郡

興平縣志卷一

五

九年復為內史武帝為右內史太初中更名主爵都尉為右

扶風後改世祖真君年中併始平郡屬焉始平魏置晉屬

始平槐里二漢晉屬始平

案槐里下二字衍漢字下脫置字

後周曰槐里

周書槐里獻赤雀四

隋縣曰始平

隋書高祖紀仁壽元年五月壬辰驟雨震雷大風拔木宜君湫水移於

始平

又地理志京兆郡開皇三年置始平故置扶風郡開皇三

十郡廢

始平縣曰金城

漢唐書吐蕃傳吐蕃請昏中宗曰所養雍王女爲金城公主妻之爲幸始平縣設殿帳於百頃泊側餞別因改始平縣爲金城縣

唐書宰相世系表長孫潤太常少卿金城縣子

通鑑綱目帝出犇蜀夜將半迺至金城縣縣民皆走

通典開元中改爲金城有馬嵬故城孫景安征塗記云馬嵬所築不知何代人姚萇時扶風丁駙呂數千人保馬嵬卽此也

括地志景龍四年改金城移治於馬嵬故城後還故治改爲興平

又改縣曰興平

唐書地理志京兆府京兆郡本雍州開元元年爲府興平

興平縣志卷一

六

畿本始平景龍二年中宗送金城公主降吐蕃至此改曰金城至德二載更名

又肅宗紀至德二載十月壬子復東京慶緒犇于河北興平軍兵馬使李真及慶緒之衆戰於武關敗之

元和郡國志興平縣東至府九十里

五代曰興平

五代史唐家人傳繼岌班師四月辛丑至興平

宋因之縣曰興平

宋史地理志京兆府京兆郡永興軍節度本次府大觀元年升大都督府舊領永興軍路安撫使宣和二年詔永興軍守臣等銜不用軍額稱京兆府興平次畿

金因之縣曰興平

金史地理志京兆府上宋京兆郡永興軍節度使皇統二年
置總管府天德二年置陝西路統軍司陝西東路轉運司
興平

元因之縣曰興平

元史地理志奉元路上唐初爲雍州後改關內道又改京兆
府又曰京城爲西京又曰山京又改上都宋分陝西秦鳳熙
河澤原環慶鄜延爲六路今併陝西爲四路元中統三年立
陝西四川行省治京兆至元初併雲陽縣入涇陽櫟陽縣入
臨潼終南縣入盩厔十六年改京兆爲安西路總管府二十
三年四川置行省改此省爲陝西等處行中書省大德元年
移雲南行臺於此爲陝西行臺皇慶元年改安西爲奉元路
興平下

興平縣志卷一

七

明因之縣曰興平

明史地理志西安府元奉元路屬陝西行省洪武二年三月
改爲西安府 興平府西少北

本朝因之

分野爲東井

春秋元命苞東井鬼星散爲雍州分爲秦國

漢書地理志自井十度至柳二度謂之鶉首之次秦之分也
越絕書秦故治雍今內史也也郡漢中隴西定襄太原安邑
東井也

星躔分野書自井九度至十三度爲西安府分野

山水

揚雄賦北繞黃山

張衡賦繞黃山而欵牛首

黃麓山縣北一里

三輔黃圖茂陵富民袁廣漢於北山下築園

一統志在興平縣北一里亦名黃山卽始平西原也

始平原在縣北

元和郡國志在縣北十二里東西五十里南北八里東入咸陽界西入武功界

長安志在縣北六里漢時亦謂之北芑巖

三秦記長安城北有始平原數百里其人井汲巢居井深五十丈漢時又名北芑巖

馬嵬坡縣西三十里

興平縣志卷一

八

一統志在興平縣西二十五里一名馬嵬山卽楊貴妃葬處

渭水縣南二十里
水經注渭水出隴西首陽縣渭谷亭南鳥鼠山又東過槐里縣南又東澇水從南來注之又東北逕黃山宮

金史地理志興平有渭水

明史地理志興平南有渭水

禹貢錐指渭水又東逕興平縣南二十里

一統志渭水自鳳翔府郿縣乾州武功縣流入境逕蓋屋縣北又東逕興平咸陽二縣南

舊志渭河至胡浹橋南始爲興平縣境又東四十里至清化坊北合川河又東三十里入咸陽縣界

渭水北

舊志川口之上流有三一在武功西北來者曰漆水俗名遊
豐河源出麟遊一從武功東北來者曰沮水亦曰浴水俗名
沐浴河源出邠州一從武功北山來者曰漳水俗名渾水河
源出鳳翔縣漆沮二水合流於武功縣城東五里許其下流
又與漳水合三水合流經川口東流四十里入興平縣界地
名胡淡橋又東四十里至清化坊南入渭河

胡淡險曰川河在渭河之北距渭遠者二三里近止里許每
夏雨淫潦則渭水泛溢常挾川而東川河北岸爲民地膏
腴自胡淡橋而下川河之勢漸趨而北上疏水悍隄防莫及
日腹月削漸受其損而自雍正元年以來渭於郿縣之槐芽
鎮蓋屋縣之景家寨武功縣之永安鎮北徙歸川不由故道
川南之渭淤爲淺灘舟楫不行人可厲涉夫川與渭不相敵

今日一川受全渭溢不能容漸至衝決此興平之害可爲隱
憂十三年夏縣南有水警余請於臺司同武功楊令於馬坊
郵決口築堤捍禦建議請於上流之景家寨加築長堤使渭
河復由故道仍繪圖上之令武功興平二縣會勘確覆會余
謝事不果行後之君子采及葑菲當有力圖經始者矣

夾河在川之南渭之北

舊志夾河在蓋屋馬坊郵北與縣之胡淡橋相直渭流至此
北出一支宛轉而東六七里仍入渭也在今八旂之牧馬廠
內

成國渠今廢

水經注渭水又東會成國故渠魏尚書左僕射衛臻征蜀所
開也號成國渠引曰澆田其瀆上承泝水於陳倉東東逕郿

及武功槐里縣北 又東逕漢武帝茂陵南 故渠又東逕茂陵縣故城南 故渠又東逕東南去長安七十里又東逕平陵縣故城南

唐李石記咸通十三年京兆府奏修六門堰畢其渠合韋川莫谷香谷武安四水溉武功興平咸陽高陵等縣田二萬餘頃俗號渭白渠言其利與涇白相上下又曰成國渠魏時僕射衛臻征蜀開呂溉田大統十三年始築堰置六斗門呂節水貞觀中役九州夫匠始就其功永徽四年右僕射于志寧治之聖歷中復州刺史張知審修焉咸通十一年咸陽縣民薄達等上言六門淤塞請假錢百萬為修堰費迺詔借內藏錢百萬充令本縣官專之記役凡用萬七千緡云

舊志在縣北一里自武功流入界凡六十里溉田二百四十餘頃東入咸陽縣界

昇原渠今廢

長安志在興平縣南十五里西自武功縣流入縣界凡六十里溉田七十餘頃東流入咸陽唐垂拱初運岐隴米今涸

舊志源出汧水至武亭西南至六門堰東與成國渠流入縣界

普濟渠今廢

長安志在縣南十里自武功縣流入縣界凡六十里溉田七十餘頃東流入咸陽今涸

舊志今縣西南桑家莊西入武功界六七里有普濟鎮豈卽當時之故道與

渠今廢

舊志在縣南二里東流入咸陽

一渠今廢

舊志在城南門外明知縣章評建

馬牧澤今廢

元和郡國志在興平縣東南二十里南北廣四里東西二十一里

百頃澤縣西二十五里

元和郡國志百頃澤在縣西二十五里多蒲魚之利周迴十六里

一統志亦曰百頃泊

靈寶泉今廢

舊圖經漢時邊韶得靈寶符於此泉後祈請有應因名

興平縣志卷一

長安志在興平縣東南二十里周數十步深不可測

龍泉今廢

水經注故渠成國故渠又東逕龍泉北今人謂之溫泉匪也

長安志龍泉亦名溫泉又名姜子泉在縣西十七里周數十步深不可測

溫泉今廢

魏書地形志始平有溫泉

板橋泉縣西二十里

魏書地形志槐里有板橋泉

舊志板橋泉有二亦稱龍鳳泉俱出平地東板橋泉自北南流餘文灌地一百餘畝西板橋泉自北東南流四百餘

地一百六十畝